



Sesida dals

10 d'avrigl 2018

Communitgà ils

13 d'avrigl 2018

Protocol nr.

268

Incumbensa Bondolfi

concernent la cumposiziun da la grupp da project che vegn incumbensada cun
l'elavuraziun dal concept per promover la cultura en il chantun Grischun

Resposta da la regenza

L'art. 5 da la lescha davart la promoziun da la cultura dals 15 da favrer 2017 (LPC; DG 494.300) prevesa d'elavurar in concept complessiv per promover la cultura en il chantun Grischun. Quest concept vegn concludì dal cussegl grond mintga 4 onns sin proposta da la regenza. Tenor l'ordinaziun davart la promoziun da la cultura dals 12 da december 2017 (OPC; DG 494.310) vegn il concept per promover la cultura elavurà en collavuraziun cun las organisaziuns culturalas dal Grischun e cun la cumissiun da cultura. Suenter la perioda da concept da quatter onns datti in'evaluaziun. Ils resultats vegnan resguardads per il concept per promover la cultura che sto vegnir elavurà da nov per la proxima perioda da 4 onns.

Cun ses conclus nr. 10 dals 9 da schaner 2018 ha la regenza fixà l'organisaziun dal project per la fasa 1 per elavurar il concept per promover la cultura. En quest connex è vegnida designada ina grupp da project da 7 persunas. Duas da quellas persunas represchantan mintgamai las organisaziuns culturalas dal Grischun e la cumissiun chantunala da cultura.

Cun l'incumbensa qua avant maun supplitgeschan las deputadas ed ils deputads sutsegnaders la regenza d'examinar anc ina giada la cumposiziun da la grupp da project e da la cumpletter cun ina represchentananza dal Grischun talian.

Cun il conclus nr. 130 dals 27 da favrer 2018 ha la regenza elegì cun Aixa Andretta, San Vittore, per immediat in terz commember da la cumissiun chantunala da cultura en la gruppa da project.

Sa basond sin questas consideraziuns propona la regenza al cussegl grond da stritgar questa incumbensa.



En num da la regenza

Il president:

A handwritten signature in black ink, appearing to read "M. Cavigelli".

Dr. Mario Cavigelli

Il chancelier:

A handwritten signature in black ink, appearing to read "W. Frizzoni".

e.sub. lic. iur. W. Frizzoni